

NY ANJARA- LAHATRA- VINTANA- TENDRY

NY ANJARA :

1-Famaritana :

- Avy amin'ny fototeny zara ka ahazahoana ny mizaraizay midika ho ampahany avy amin'ny zavatra nozaraina voatokana ho an'ny tsirairay.
- Zavatra tsara na ratsy mitranga eo amin'ny fiainan'ny zanak'olombelona ka tsy maintsy zakaina.
- Vokatry ny ezaky ny tena tamin'ny alalan'ny ezaka izay natao.

2-Ny nipoirany :

- Avy amin'Andriamanitra.
- Avy amin'ny fiaraha-monina.
- Avy amin'ny tenan'ny tsirairay.
- Avy amin'ny vintana.

3-Karazany :

- ☐ Misy ny anjara iombonana : fahafatesana, loza voajanahary (. . .).
- ☐ Misy ny anjara natao ho an'ny tsirairay : harena, fanambadiana (. . .).

4-Ny endrika isehoany :

- ☐ Anjara tsara : fahombiazana sy fahasoavana eo amin'ny lafiny taranaka, harena, asa fivelomana, fahaizana.
- ☐ Anjara ratsy : fahafatesana, loza (. . .).

5-Ny toetrany :

- Tsy azo idifiana na ialana.
- Ekena sy zakaina, tsy azo lavina na fidina.
- Tsy azo ampitomboina na hatsaraina.

6-Ny vokatry ny finoana ny anjara :

TSARA RATSY

Mahay mionona amin'ny fahavoazana Tsy mandray andraikitra manoloana ny fahavoazana

Mahay mandrindra ny fiainana Fianteharana amin'ny kisendrasendra
Mahay mandresy ny hakamoana Tsy mampiezaka

7-Ohabolana :

- “Misao-bady tanora ka manome zara ho an'ny sasany”.
- “Mahaiza mionona fa izao no anjara”.
- “Ny anjara tsy azo andosirana, ny teny jadona tsy azo valiana”.
- “Bingo manao matso ka misalovana ny anjaran'ny hafa”.

8-Tenina mpanoratra na mpandinika :

Louis Paul ANDRIAMAROLAZA : “Ny anjaran'ny olona amin'ny ankapobeny dia miankina amin'ny tenany”.

ILAY : “Ny fifandraisana ao anaty fiaraha-monona dia mety ahitana anjara”.

LAHATRA :

1-Famaritana :

- Avy amin'ny fototeny lahatra ka nahazoana ny mandahatra izay midika hoe mandamina.
- Lamina efa voapetraka mialoha ary tsy maintsy manaraka ny fizotry ny fiainan'ny zanak'olombelona hatreo amin'ny fahaterahana ary mandra-pahafaty.

2- Ny loharano nipoirany :

- Avy amin'Andriamanitra.
- Avy amin'ny olombelona n any fiaraha-monina.

3-Ny toetrany :

- Lamina tsy azo ovaina.
- Toe-javatra tsy anana safidy.
- Tsy azo iadiana na toherina.
- Tsy azo terena hanaraka ny safidy satria efa voasoritra mialoha.

4-Vokany :

TSARA RATSY

Manamafy orina ny finoana ny hery tsy hita Mangeja ny sain'olombelona

Mamolavola ny olona hahay hamboatra
saina amin'ny fahavoazana mahazo

Tsy mampivoatra, fototry ny tsy
fifankazahoana amin'ny samy hafa fari-
piainana
Ahafantarana mialoha izay ho fizotry ny
fiainana

Miankin-doha amin'ny hery tsy hita

5-Ohabolana :

“Aza latsaina ny momba fa tsy ny olombelona no tompo-mpanadadatra”.

“Aza manantena hery fa ny lahatra tsy azo rombahina”.

6-Hevitry ny mpanoratra na mpandinika :

ANDRIAMAMPIHATONA : “Heverina fa fandaharan-janahary avokoa no tsy maintsy arahin'ny olombelona”.

R.P. RAHAJARIZAFY : “ Lahatra avy amin-janahary ny fanambinana sy ny fahasoavana eo amin'ny fiainana manontolo”.

VINTANA :

1-Famaritana :

- Avy amin'ny hery alefan'ny kintana amin'ny olona tsirairay.
- Hery mitoetra amin'ny tsirairay mifehy sy mandrindra ny fiainana.
- Hery voajanahary eo amin'ny olombelona miankina amin'ny tonon'andro nahaterahana.

2-Ny nipoirany :

- Avy amin'Andriamanitra.
- Avy amin'ny kintana.
- Avy amin'ny ray aman-dreny sy ny Razana nipoirana.

3-Ireo karazam-bintana :

- Tsara vintana : olona mahazo soa mohoatra ny hafa.
- Ratsy vintana : olona iharam-pahavoazana matetika.
- Manam-bintana : olona ambinina ami-izay atao.

- Totoim-bintana : olona asesiky ny vintan-dratsy hanao ny ratsy.
- Vintam-pamosavy : olona manana toetra sy fihetsika mikatsaka ny fahasimban'ny hafa.
- Mahery vintana : olona sarotra asian-dratsy, manimba izay mifanerasera aminy, manoto ray aman-dreny.
- Mifandratra, mifaniho, mifanoto vintana : olona roa na maromaro tsy afaka hiombon-javatra hatao ka tsy mety avokoa izay atao rehetra.
- Vintam-bohoka : olona mahazo fahasoavana tsy nampoizina.

4-Ny endrika isehoany :

- Tsara.
- Ratsy.

5-Ny toetrany :

- Azo fantarina sy amboarina amin'ny mpanandro.
- Mety ho tsara ka mitondra fanambinana sy mampizotra ny fiainana.
- Mety hahery ka mitondra fahavoazana.
- Mety ho ratsy ka misakana ny fanambinana sy tsy ialam-pahasahiranana.

6-Vokany :

TSARA RATSY

Manatsara ny fiainana hialana amin'ny tsy fahombiazana

Manome vahana sy mampisy elanelana eo amin'ny fiaraha-monina

Mahatonga ny olona hahazaka ny onjam-piainana

Tsy miezaka amin'ny fiainana sy miantehitra amin'ny kisendrasendra

Mahatonga ny olona hanaiky ny fahefan'Andriamanitra

Mahatonga famoizam-po

7-Ohabolana :

- “Ny faniriana tsy takatry ny vintana”.
- “ Ratsy tarehy manam-bintana ka ny soa no manatona ho vady”.
- “Tolo-kena maty jiro ka vintana no sisa andrasana”.
- “Ny faniriana tsy takatry ny vintana”.

8-Hevitry ny mpanoratra :

RANDRIANJOARIMANANA Olivier : “Tsy mitory fahalemen-tsaina ny fianteherana amin'ny vintana”.

RATREMA William : “ Ny vintana dia hery napetraky ny Zanahary mba hifehy sy handrindra ny fiainan'izao tontolo izao”.

TENDRY :

1-Famaritana :

- Fototeny : tendry nahazoana ny manendry midika ho manondro.
- Ny tendry dia fanondroana olona iray handray ny andraikitra izay napetrak'Andriamanitra amin'ny olona voatokana hitanatana ka voafaritra mazava tsara ny anjara asa omena azy.
- Anjara manokana azon'ny olona ka mahatonga azy hiavaka amin'ny hafa eo anovon'ny fiaraha-monina.
- Endrika sy tohin'ny lahatra, izany hoe ny tendry dia lahatra miantefa amin'ny

tsirairay.

– Fomba na toe-javatra manokana handraisan'ny tsirairay ny tandrify azy eo amin'ny lahatra misy azy(fahafatesana).

2-Ny nipoirany :

– Avy amin'Andriamanitra.

– Avy amin'ny vahoaka.

– Avy amin'ny an-tanatohatra ara-piaraha-monina.

– Avy amin'ny fanendrena ataon'ny manam-pahefana amin'ireo olona eo ambany fahefany.

3-Ny toetra ananan'ny tendry :

– Tsara raha maneho fison-drotana.

– Ratsy raha mampietry voninahitra aman-kasina.

– Azo lavina nefa fandavana ny lamina efa napetrak'Andriamanitra.

– Tsy afa-misaraka amin'ny anjara, lahatra, vintana ny tendry.

4-Ny vokatry ny fanendrena :

□ Raha tsara ny tendry dia :

– Mitombo ny eo amin'ny sehatry ny fifandraisan'ny voatendry.

– Afaka mamaha ny olona mianjady.

– Mihatsara ny fari-piainana.

– To teny ny voatendry.

□ Raha ratsy dia :

– Mihena ny zo sy ny hasina maha olona.

– Miaina ao anaty fahasahiranana ny firenena na ny vahoaka nany tsirairay.

– Mahatonga ny hafa tsy hiezaka ny fisian'ny olona voatendry.

– Miteraka fialonana eo amin'ny samy olona.

5-Ohabolana :

– “Aza manendry tena ohatry ny alika ho any an-tsena”.

– “Zanakao soa tia ratsy ka ny zanak'olona no tendrena ho mpanao ody”.

– “Ady voatavo no nifanaovana ka tendry mosavy no hita”.

– “Ny tendry tahaka ny ranonorana ka izay tandrifiny tsy afa-miala”.

6-Hevitry ny mpandinika :

Louis Paul ANDRIAMAROLAZA : “Ny tendry dia endrika sy tohin'ny lahatra”.

ANDRIANAMPOINIMERINA : “ Foin'Andriamanitra ho ahy ny tany sy ny fanjakana”.

5-Ohabolana :

– “Aza manendry tena ohatry ny alika ho any an-tsena”.

– “Zanakao soa tia ratsy ka ny zanak'olona no tendrena ho mpanao ody”.

– “Ady voatavo no nifanaovana ka tendry mosavy no hita”.

– “Ny tendry tahaka ny ranonorana ka izay tandrifiny tsy afa-miala”.